

Հայկական ԽՍՀ Գերագույն խորհրդի նախագահության

Դ Ի Մ Ո Ի Մ Ը

ԽՍՀՄ Գերագույն խորհրդի նախագահությանը,

Ադրբեջանական ԽՍՀ Գերագույն խորհրդի նախագահությանը

Հայկական ԽՍՀ Գերագույն խորհրդի նախագահությունը խորին մտահոգություն է արտահայտում, որ վերջին ժամանակներս իրադրության կըտրուկ սրման հետևանքով Խորհրդային Հայաստանը և ԼՂԻՄ-ը հայտնվել են անկանխատեսելի հետևանքներով հիկկացության մեջ, որին հանգեցրել է շրջափակումը: Հանրապետության առանց այդ էլ ծայր աստիճան քարդ տմտե-

սական դրությունը՝ կապված ավերիչ երկրաշարժի հետ, էլ ավելի է վատթարացել: Ադրբեջանական երկաթուղով չեն ստացվում ժողովրդատնտեսական քեռներ, շիմանյութեր, սննդամթերք, վառելիք: Դրա հետևանքով խախտվում է հանրապետության կենսագործունեության նորմալ ոիթմը, որն առաջացնում է ժողովրդի արդարացի բողոքն ու զայրույթը:

Էլ ավելի լարված է իրավիճակը Լեռնային Ղարաբաղում, որը գտնվում է լրիվ շրջափակման մեջ:

Մեզ խորապես անհանգրստացնում է Ադրբեջանական ԽՍՀ տարածքում քնակվող մեր հայրենակիցների կյանքի անվտանգության ապահովման վիճակը:

Հայկական ԽՍՀ Գերագույն խորհրդի նախագահությունը դիմում է ԽՍՀՄ Գերագույն

խորհրդի նախագահությանը և Ադրբեջանական ԽՍՀ Գերագույն խորհրդի նախագահությանը, պնդելով ձեռնարկել անհապաղ և վճռական միջոցներ Ադրբեջանում քնակվող հայերի անվտանգությունն ապահովելու, երկաթուղու և ավտոճանապարհների շրջափակումը վերացնելու ուղղությամբ, որը հնարավորություն կտա կյանքը նորմալ հունի մեջ դնել ռեգիոնում: